



Un Dia den Bida
cu **Poentje Castro**
Awe 9:00 anochi • Repiticion tur Diadomingo pa 5'or atardi.
Invitado: Rigo v/d Biezen
EDICION DI PASCO
Cel.: 592 2362 E-mail: undiadenbida@setarnet.aw

BON PASCO!

TeleAruba

Bo bida ta bira interesante ora cu un otro por sinja di dje
“Un Dia Den Bida di un persona diferente...”

ORANJESTAD - Su nomber ta Rigoberto van de Biezen, e tin 32 aña y e cabayero aki si a experiencia cosnan desagrabel den su bida.

Un Dia Den Bida ta presenta un edicion cu lo yega bo curazon. E programa ta ranca sali tempo cu Rigo a hañe despues di a bishita su tata malo den hospital inbulucra den un accidente grave di auto, cu ta lage cu un fractura pisa na su craneo y un kap di 15 CM na su cara banda robes. Rigo ta cai den coma pa 40 dia y ora cu Dios ta pone bek riba mundo, Rigo ta keda pa resto di su bida cu un daño irreparable na su cerebro, cu a afecta su brasa y pia banda robes. Despepciona na loke cu a tuma luga cu ne, Rigo ta dreña su bida cambia pa

semper. Riba caya nan ta cuminsa yame pa handicap y pa loco y e ta hañe ta cai den un abismo di soledad y e mundo di alcohol y droga. Desesperacion ta pone cu na tres ocasion e kier pone un fin na su bida cu pe no tin sentido mas. Riba tur e desgracia aki su tata y su mama ta bin fayese e aña aki den e mesun siman.

E programa aki ta simplemente pa consentisa nos hendenan cu ta lanta ta keha tur dia cu cos no ta bon cu nos relacion na cas. Nos cu ta keha cu coleganan di trabou y hefenan no ta apresia e bon trabou cu nos ta eherse tur dia. Nos cu mester coi bus pasobra e auto ta dañá na garage. Nos cu tin problema cu nos mayornan pa capricho propio. Nos cu ta

critica otro y no ta mira nos mesun erornan. Si abo ta kere cu bo bida no ta bon, ta con nos lo mester cataloga esun di Rigo anto.

No perde e edicion alentador di Un Dia Den Bida Di Rigoberto van de Biezen. Diadomingo dia 24 di December 2006, pa exactamente 5'or atardi na e canal di nos cultura cu ta Tele Aruba canal 13/23.

Laga nos corda riba e dia tan special aki cu ta esun di celebracion di nasemento di Christo Jesus, cu ta solamente “DUNANDO LO BO RICIBI”.

Un feliz Pasco na Aruba Henter ta e mas sinsero deseo di e crew completo di Un Dia Den Bida y boso amigo Poentje Castro.